

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TATU

KIKAO CHA PILI

07 NOVEMBA, 2018



ORODHA YA SHUGHULI ZA LEO

MKUTANO WA KUMI NA TATU

KIKAO CHA PILI – TAREHE 07 NOVEMBA, 2018

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Matoleo ya Gazeti la Serikali pamoja na nyongeza zake yaliyochapishwa tangu Mkutano wa Bunge uliopita kama ifuatavyo:-

1. Toleo Na. 36 la tarehe 07 Septemba, 2018;
2. Toleo Na. 37 la tarehe 14 Septemba, 2018;
3. Toleo Na. 38 la tarehe 21 Septemba, 2018;
4. Toleo Na. 39 la tarehe 28 Septemba, 2018;
5. Toleo Na. 40 la tarehe 05 Oktoba 2018;
6. Toleo Na. 41 la tarehe 12 Oktoba, 2018;
7. Toleo Na. 42 la tarehe 19 Oktoba, 2018;
8. Toleo Na. 43 la tarehe 26 Oktoba, 2018;

III. MASWALI:

OFISI YA RAIS (TAMISEMI):

14. MHESHIMIWA GODFREY WILLIAM MGIMWA (KALENGA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Jimbo la Kalenga katika Kata na Vijiji mbalimbali wamejitolea kujenga miundombinu mbalimbali ikiwemo ujenzi wa Zahanati na Vituo vya Afya lakini hakuna Wauguzi na baadhi ya Vifaa Tiba:-

Je, Serikali inaisaidiaje Halmashauri kuhusu tatizo hilo.

15. MHESHIMIWA CATHERINE NYAKAO RUGE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Bado kuna Kata ambazo hazina Shule za Sekondari hivyo kufanya baadhi ya Wanafunzi kusafiri umbali mrefu kwenda na kurudi Shuleni, kutokana na hali hiyo baadhi ya Wazazi wameamua kuwapangishia vyumba Watoto wao mitaani kwenye mazingira ambayo si salama:-

Je, kwa nini Serikali isije na mpango mahsusni wa ujenzi wa Mabweni kama ilivyofanya kwenye

madawati ili kuwapunguzia Wanafunzi hasa wa kike adha ya kutembea umbali mrefu kwenda na kurudi nyumbani.

16. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hali ya Sekta ya Kilimo na Mifugo katika Jimbo la Same Mashariki ni mbaya licha ya kuwepo Wafanyakazi wa Serikali wanaosimamia Sekta hizo kwenye Wilaya, Kata na hata Vijiji. Wengi wa Wafanyakazi hao wanatumia muda mwingi kufanya kazi zao binafsi badala ya kuwasaidia Wakulima na Wafugaji kuleta mabadiliko katika Sekta hizo:-

- (a) Je, Serikali inatumia kigezo gani kutathmini utendaji kazi wa waajiriwa hao kupima ufanisi wao;
- (b) Je, Serikali ipo tayari kupunguza idadi ya waajiri hao waliopo Vijijini ili fedha itakayookolewa kutoka katika mishahara yao isaidie kutengeneza miundombinu ya umwagiliaji na malambo.

17. MHESHIMIWA DKT. SHUKURU JUMANNE KAWAMBWA (BAGAMOYO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mji mdogo wa Bagamoyo ulianzishwa tarehe 15/6/2005. Mwaka 2013/2014 Mamlaka hiyo iliomba Ofisi ya Rais (TAMISEMI) kupewa hadhi ya Halmashauri ya Mji baada ya kujiridhisha kuwa na sifa stahili:-

Je, ni lini Serikali itaipaa Bagamoyo hadhi ya kuwa Halmashauri ya Mji.

WIZARA YA ULINZI NA JESHI LA KUJENGA TAIFA:



18. MHESHIMIWA DKT. RASHIDI MOHAMED CHUACHUA (MASASI):

Atamuuliza Mheshimiwa Waziri wa Ulinzi na Jeshi la Kujenga Taifa:- Kumekuwepo na malalamiko kwa upande wa huduma za afya kwa Wanajeshi wetu kwamba hawana Bima ya Afya kwa sababu Jeshi lina Zahanati na Hospitali zake:-

Je, Serikali haioni haja ya kuwapatia Wanajeshi wetu Bima ya Afya.

WIZARA YA MAMBO YA NDANI YA NCHI:

19. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Usafiri wa bodaboda na bajaji umeshamiri katika maeneo ya Mijini na Vijijini, pamoja na usafiri huo kusaidia ajira kwa Vijana kwa kiasi kikubwa umekuwa ukisababisha ajali nyingi:-

- (a) Je, ni ajali ngapi zimesababishwa na vyombo hivyo tangu kuanza kwa huduma hiyo;
- (b) Je, ni Vijana wangapi wamepoteza maisha yao na wangapi wamepoteza viungo vyao;
- (c) Je, Serikali inawaambia nini Watanzania kuhusu hali hiyo.

WIZARA YA MALIASILI NA UTALII:

20. MHESHIMIWA EDWIN AMANDUS NGONYANI (NAMTUMBO):

Atamuuliza Mheshimiwa Waziri wa Maliasili na Utalii:-

- (a) Je, ni kwa nini Serikali imeshirikiana na taasisi ya *PAMS FOUNDATION* ya Ujerumani kuunguza zao la Mpunga kwa dawa ya kutokomeza magugu lililolimwa na kuoteshwa mwaka 2018 na Wanakijiji wa Kata ya Mchomoro kinyume na makubaliano ya kuanzisha WMA ya Mbarang'andu;
- (b) Je, ni lini Serikali italipa fidia Wakulima wa Kijiji cha Mchomoro walioathirika na kuvunjika kwa makubaliano ya uanzishwaji wa WMA ya Mbarang'andu.

WIZARA YA ARDHI, NYUMBA NA MAENDELEO YA MAKAZI:

21. MHESHIMIWA DUNSTAN LUKA KITANDULA (MKINGA):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Serikali iliahidi kuyafutia hati mashamba yaliyotelekezwa:-

Je, ni lini Serikali itafuta hati za mashamba yaliyotelekezwa yaliyopo Wilayani Mkinga na kugawa ardhi hiyo kwa Wananchi.

WIZARA YA UJENZI, UCHUKUZI NA MAWASILIANO:

22. MHESHIMIWA YUSSUF HAJI KHAMIS (NUNGWI):

Atamuuliza Mheshimiwa Waziri wa Ujenzi, Uchukuzi na Mawasiliano:- Historia ya usafiri wa majini nchini inaonyesha kuwa usafiri huo umekumbwa na ajali kubwa na mbaya ambazo zimegharimu maisha na mali za watu. Mfano wa ajali hizo ni za MV. Bukoba, MV SKAGIT na MV SPICE ISLANDER:-

Je, Serikali ina mikakati gani endelevu ya kuhakikisha usafiri wa majini unakuwa salama kwa maisha ya Watanzania.

23. MHESHIMIWA MARGARETH SIMWANZA SITTA (URAMBO):

Atamuuliza Mheshimiwa Waziri wa Ujenzi, Uchukuzi na Mawasiliano:- Wilaya ya Urambo ilishawasilisha Serikalini orodha ya maeneo yasiyokuwa na mawasiliano ya simu:-

Je, ni lini maeneo hayo yatapata mawasiliano ya simu.

24. MHESHIMIWA SEIF KHAMISI GULAMALI (MANONGA):

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa kipindi cha mvua barabara nyingi nchini zimekuwa zikiharibika ikiwemo barabara ya Simbo – Mkinga – Choma:-

Je, ni lini Serikali kupitia Wakala wa Barabara (TANROADS) itaanza kuikarabati barabara hiyo ili kondoza adha zilizopo njiani.

WIZARA YA AFYA, MAENDELEO YA JAMII, JINSIA, WAZEE NA WATOTO:

25. MHESHIMIWA VENANCE METHUSALAH MWAMOTO (KILOLO):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kulingana na Mkakati wa Kitaifa wa kupunguza vifo vya Wanawake na Watoto wa 2016 – 2020 Tanzania ina kusudia kuongeza matumizi ya njia za kisasa za uzazi wa mpango kutoka 32% ya 2015 hadi 45% ifikapo 2020 na kupunguza vifo vitokanavyo na uzazi kutoka 556 kwa kila vizazi hai 100,000 ya mwaka 2015 hadi 292 kwa kila vizazi hai 100,000 ifikapo 2020; hii ni kutokana na Tanzania kuwa sehemu ya mpango wa Kimataifa uitwao *Ending Preventable Maternal*

Mortality (EPMM) unaozitaka nchi zote kupunguza vifo hivyo hadi 140 kwa kila vizazi hai 100,000 ifikapo mwaka 2030; hata hivyo tafiti zinaonyesha kasi ya sasa ya kuongeza haiwezi kutufikisha kwenye malengo yaliyokusudiwa ambapo kasi 3.4% au zaidi ndiyo inaweza kutufikisha huko:-

Je, Serikali ina mpango gani wa kuhakikisha kwamba malengo yaliyowekwa yanatimia.

26. MHESHIMIWA AZZA HILLAL HAMAD (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, ni lini Serikali itaweka dirisha la Benki ya Wanawake katika Mkoa wa Shinyanga ili Wanawake wa Mkoa huo waweze kupata huduma ya mikopo ya Benki hiyo kwa ukaribu.

WIZARA YA MADINI:

27. MHESHIMIWA SUSANNE PETER MASELLE (VITI MAALUM):

Atamuuliza Mheshimiwa Waziri wa Madini:- Kwa muda mrefu sasa kumekuwepo na mgogoro kati ya Wachimbaji wadogo wa Madini wa

Ishokelahela na mwekezaji anayebebwa na mamlaka za Kiserikali Mkoa wa Mwanza:-

Je, Serikali imeshindwa kutatua mgogoro huo na kuwasaidia Wachimbaji wadogo kupata haki zao.

WIZARA YA HABARI, UTAMADUNI, SANAA NA MICHEZO:

28. MHESHIMIWA ZAYNAB MATITU VULLU (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:-

Je, ni changamoto zipi zinazopelekea TBC kutosikika katika baadhi ya maeneo ya Mkoa wa Pwani.

IV. HOJA ZA SERIKALI:

WAZIRI WA FEDHA NA MIPANGO:

Kwamba, Bunge lipokee, kujadili na kushauri kuhusu Mapendekezo ya Mpango wa Maendeleo wa Taifa unaokusudiwa kutekelezwa na Serikali pamoja na Mwongozo wa kuandaa Mpango wa Bajeti ya Serikali kwa Mwaka wa Fedha, 2019/2020.

(Majadiliano yanaendelea)

**DODOMA
07 NOVEMBA, 2018**

**S. KAGAIGAI
KATIBU WA BUNGE**